

समे .1815

<><><><><><>

Headlines

- 1 प्रधानमंत्री नरेन्द्र मोदी होरें नमीं दिल्ली च अबूधाबी दे वली अहद शहजादे शेख खालिद बिन मोहम्मद बिन जायद अल नाहयान हुंदे नै नमीं दिल्ली च गल्लबात कीती।
- 2 केन्द्र नै राज्यें ते केन्द्र शासत प्रदेशें गी एम.पोक्स दे सारे संदिग्ध मामलें दी जांच करने लेई आखेआ ऐ।
- 3 भारतीय सेना ते वायु सेना नै गति शक्ति विश्व विद्यालय कन्नै इक समझौता ज्ञापन पर दस्तखत कीते न।
- 4 जम्मू कश्मीर दे मुख् चुनां अधिकारी पी.के.पोले होरें जम्मू च पर्यावरण अनुकूल ग्रीन इलैक्शन तैहत बूहटे लाने आली मुहिम दी शुरूआत करोआई। उनें जम्मू कश्मीर च इक लक्ख बूहटे मतदान केन्द्र पर लाने दे लक्ष्य गी दोहराया।

<><><><><><>

UAE

प्रधानमंत्री नरेन्द्र मोदी होरें अज्ज नमीं दिल्ली च अबूधाबी दे वली अहद शहजादा शेख खालिद बिन मोहम्मद बिन जायद अल नाहयान हुंदे कन्नै गल्लबात कीती। दौनें नेताएं बहु आयामी भारत संयुक्त अरब अमिरात यूएई दे सरबंधें बश्कार नमें उभरा'रदे क्षेत्रें च व्यापक रणनीतिक सांझेदारी गी मजबूत बनाने दे मौके पर चर्चा कीती। 5 नमें समझौते पर दस्तखत बी होए। इंदे च बाराकाद परमाणु, संयत्र दे संचालन ते दिक्ख रिक्ख दे सरबंध च अमिरात परमाणु ऊर्जा कंपनी ते न्यूकलियर पॉवर कारपोरेशन ऑफ इंडिया लिमिअेड बश्कार समझौता ज्ञापन पर दस्तखत शामिल न। इस दरान अबूधाबी नेशनल ऑयल कंपनी ते इंडियन ऑयल कारपोरेशन बश्कार लम्मी अवधि आली कुदरती गैस दी आपूर्ति गी लेइयै समझौता होआ। वली अहद शहजादे होरें राजघाट जाइयै महात्मा गांधी होरें गी श्रद्धांजलि भेंट कीती। एहदे थमां पैहले कल शेख खालिद बिन मोहम्मद बिन जायद अल नाहयान अबूधाबी दे क्रसउन प्रिंस दे तौर पर अपनी पैहली भारत यात्रा पर नमीं दिल्ली पुज्जे हे। ओह कल मुंबई च इक बिजनेस फोरम च हिस्सा लैंगन। भारत ते यूएई बश्कार रणनीतिक सांझेदारी, बपार, निवेश, राबता, ऊर्जा, तकनालोजी, शिक्षा ते संस्कृति दे क्षेत्र च सांझेदारी होर

मजबूत होई ऐ। वली अहद शहजादे हुंदी यात्रा कन्नै भारत यूएई दपक्खी सरबंध मजबूत होंगन ते नमें उभरदे क्षेत्रें च सांझेदारी दियां नमियां संभावना पैदा होंगन। 2022–23 ब'रे च भारत यूएई बपार 85 बिलियन डॉलर वगर पुजजी गेआ ऐ। जेहड़ा यूएई गी चीन ते अमरीका मगरा भारत दा त्रिया सब्बने शा बड्डा व्यौपारिक सांझेदार बनांदा ऐ।

<><><><><><>

Centre-M.Pox Advisory

केन्द्र सरकार नै देश दे राज्यें ते केन्द्र शासत प्रदेशों गी एम–पाक्स दे सारे संदिग्ध मामलें दी जांच ते परीक्षण करने लेई आखेआ ऐ। केन्द्री स्वास्थ्य सचिव अपूर्व चन्द्रा होरें एम. पाक्स कन्ने सरबंधत विश्व स्वारूथ्य संगठन यानि डब्ल्यूएचओ दी अंतर्राष्ट्रीय जन आपात दी घोषणा गी दिक्खदे होई राज्यें गी इक एडवासरी जारी कीती। इस एडवासरी च मंत्रालय नै अपने परामर्श च एम.पाक्स गी लेइयै जागरूकता बधाने ते लोकें च फ़ैले दे उर गी रोकने ते घट्ट करने दे उपाह् उप्पर जोर देने लेई आखेआ ऐ। मंत्रालय नै वरिष्ठ अधिकारिएं आस्सेआ राज्य ते जिला स्तर उप्पर स्वास्थ्य कन्ने सरबंधत तैआरिएं दी समीक्षा करने लेई आखेआ ऐ। राज्य गी

उनें अस्पताल दी तालमा करने लेई आखेआ गेआ ऐ जित्थें
संदिग्ध मामलें ते पुरठी आले मामलें आले लोकें दौनें गी रखेआ
जा। इस लेई प्रशिक्षत लोकें दी बी तालमा करने लेई आखेआ
गेआ ऐ। यौन संचरित बमारिएं दे कलीनिक ते राश्ट्री एडस
नियंत्रणसंगठन दे क्लीनिकें गी स्वास्थ्य दिशां निर्देशों दी पालमा
करने गी आखेआ गेआ ऐ। श्री चन्द्रा होरें आखेआ ऐ जे केन्द्र
स्वास्थ्य मंत्रालय इस स्थिति दी पूरी निगरानी करग ते राज्यें ते
केन्द्र शासत प्रदेशों गी हर संभव मदाद प्रदान करोग।

<><><><><><>

Gati Shakti

भारतीय सेना ते वायु सेना पै लॉजिस्टिक ऑपरेशन च कर्मिएं दे
कौशल ते क्षमता निर्माण गी बधाने आस्तै गति शक्ति
विश्वविद्यालय कन्नै इक समझौता ज्ञापन पर दस्तखत कीते न। इस
मौके पर रक्षा मंत्री राजनाथ सिंह होरें आखेआ जे एह विश्व
स्तरीय ते भविक्ख आस्तै तैआ लॉजिस्टिक प्रणाली बनाने ते रक्षा
क्षेत्र च आत्म निभैरता हासल करने आस्तै इक महत्वपूर्ण सांझेदारी
ऐ। इस मौके पर बोलदे होई रेल मंत्री अश्विनी वैष्णव होरें
आखेआ जे विश्वविद्यालय भलेआ अज्जै कल्लै स्हाबै लॉजिस्टिक

शिक्षा, अनुसंधान ते नमिएं काहडें कन्नै सशस्त्र बलें गी सशक्त बनाने च इक महत्वपूर्ण हिस्सेदार दे तौर पर कम्म करोग।

<><><><><><>

Buddhist Media Conclave

दूआ अंतर्राष्ट्रीय बौध मीडिया सम्मेलन 11 सितम्बर गी नमीं दिल्ली च आयोजित कीता जा'रदा ऐ। इस सम्मेलन दा विशे सार ऐ संघर्ष थमां बचने ते सतत विकास आस्तै गंभीर चिंतन। सम्मेलन दा मकसद नैतिक पत्रकारिता ते गंभीर चिंतन गी बढ़ावा देना ते एशिया च पेशेवर बौध मीडिया दे इक नेटवर्क गी कायम करना ऐ। इस सम्मेलन च 18एं मुल्लखें दे मीडिया प्रतिनिधि हिस्सा लेंगन।

<><><><><><>

BJP-JK

भारतीय जनता पार्टी दे राष्ट्रीय अध्यक्ष जे.पी.नड्डा होरें सत्त शर्मा होरें गी बीजेपी जम्मू ते कश्मीर प्रदेश दा कार्यकारी अध्यक्ष नियुक्त कीता ऐ। बीजेपी आस्सेआ जारी अधिकारिक जानकारी मूजब डॉ. निर्मल सिंह होरें गी प्रदेश चुनां प्रचार समिति दा अध्यक्ष ते सुखनंदन चौधरी होरें गी प्रदेश चुनां प्रचार समिति दा उपाध्यक्ष

नियुक्त कीता गेआ ऐ। कविंदर गुप्ता होरें गी प्रदश चुनां प्रबंधन समिति दा अध्यक्ष नियुक्त कीता गेआ ऐ।

<><><><><><>

PM-Paralympics

प्रधानमंत्री नरेन्द्र मोदी होरें भारत दे पैरालंपिक्स खेड्डें च बेहतरिन प्रदर्शन लेई खुशी जताई ऐ। प्रधानमंत्री होरें भारत दे पैरालंपिक्स दे खडारिएं दे अटूट समर्पण ते भावना दी सराहना कीती, जिनें पैरिस च होई दी पैरालंपिक्स गेम्स 2024 च 29 तगमें कजत्ते न। प्रधानमंत्री होरें सोशल मीडिया पोस्ट पैरालंपिक्स 2024 गी खास ते ऐतिहासक दस्सेआ ऐ। भारत पैरा खडारिएं दे इस प्रबंधन कोला बड़ा खरा ऐ जिनें इस पैरालंपिक्स च 29 तगमें जित्ते न। जदमं थमां एह खेड्डा शुरू होइयां न तदमं थमां लेइयै अजें तगर एह भारत दा सर्वश्रेष्ठ प्रदर्शन ऐ।

<><><><><><>

RNU Special Programme

आकाशवाणी जम्मू दा क्षेत्रीय समाचार एकांश 18 सितंबर, 2024 कोला त्रऊं गेडें च होने जा'रदे विधानसभा चुनाव 2024 दे

सिलसिले च जम्मू संभाग दे सब्बने 10 जिले दे बारे च विशेष जिला प्रोफाइल कार्यक्रमें दी इक्क श्रृंखला शुरू करा'रदा ऐ । इस सिलसिले च 12 सितंबर थमा 15 मिनट दे 10 विशेष कार्यक्रम 12,14,16, 20, 22, 24, 26, 27, 28 ते 30 सितंबर गी बडले 8:45 बजे प्रसारित कीते जांगन जिंदे च जम्मू संभाग दे हर जिले दा ऐतिहासिक, पर्यटन ते राजनीतिक अवलोकन पेश कीता जाग स केंद्र शासित प्रदेश च आगामी विधानसभा चुनाएं दे मद्देनजर, शुरू कीती गेदी इस श्रृंखला दा उद्देश्य आकाशवाणी जम्मू दे श्रोताएं लेई जम्मू संभाग दे सब्बने 10 जिले दे हर इक्क विधानसभा क्षेत्र दे बारे च महत्वपूर्ण जानकारी प्रसारित करना ते उने गी जागरूक रखना ऐ । बने र'वो स्हाड़े कन्ने ते सुनदे र'वो आकाशवाणी समाचार

<><><><><><>

CEO-Election Plantation(byte)

जम्मू कश्मीर विधानसभा चुनां 2024 दरान भारत दे चुनां आयोग दी ग्रीन इलैक्शन दी इस पैहल दे तैह्त 1 लक्ख थमां मते बूहटे लाने दे लक्ष्य गी हासल करने दे मकसद कन्नै जम्मू कश्मीर मुख् चुनां अधिकारी दे दफतर नै जम्मू कश्मीर दे जंगलात मैहकमे कन्नै

रलियै अज्ज जम्मू जिले दे भलवाल ब्लाक दे मॉडल हायर सकैंडरी स्कूल, दोमाना दे परिसर च बूहटे लाने दे अभियानद । आयोजन कीता। बूहटे लाने दे इस अभियान दा शुभारंभ जम्मू कश्मीर दे मुख चुनां अधिकारी पी.के.पोले होरें कीता। ओह इस कार्यक्रम दे मुख परौहने बी ऐ हे। जिसलै के डिप्टी कमीशनर ते जिला चुनां अधिकारी सचिन कुमार वैश्य ते जेएंडके फारेस्ट प्रोटेक्शन फोर्स दे डरैक्टर बी इस कार्यक्रम च शामिल होए। इस मौके उप्पर बोलदे होई मुख चुनां अधिकारी श्री पी.के.पोले होरें आखेआ.....बाईट

<><><><><><>

SVEEP Kishtwar(byte)

किश्तवाड़ च दे जिला चुनां अफसर राजेश कुमार शवन हुंदे मार्गदर्शन हेठ किश्तवाड़ जिला जागरूकता पैदा करने सरबंधी क्लब, स्वीप ते एनसीसी युनिट आस्सेआ यूथ पार्लियामेंट दा सरिस्ता कीता गेआ। एहदे च 3 सौ थमां बद्ध विद्यार्थिएं पूरे उत्साह ते सक्रियता कन्नै हिस्सा लैता। इस दरान संसद सत्र आलालेख इक इजलास लोआया गेआ ते एहदा विशे हा मतदान लाजमी ऐ।

<><><><><><>

SVEEP Chenani(byte)

जिला चुनां प्रशासन उधमपुर दे मार्गदर्शन हेठ स्वीप कार्यक्रम तैहत अज्ज बडलै चनैनी विधानसभा क्षेत्र च इक रैली दा सरिस्ता कीता गेआ। चनैनी विधानसभा च स्वीप दे नोडल अफसर कन्नू मंगोत्रा होरें आखेआ जे इस कार्यक्रम दा मकसद औने आले चुनाएं च मतदाताएं दी गिनतरी गी मते थमां मता बधाना ऐ। इस अभियान दी शुरूआत चनैनी दे इक स्कूल च बूहटे लाने दे कार्यक्रम कन्नै शुरू होई। एह्दे मगरा स्वीप रैली चनैनी दे सारे मुख् बजारें थमां लंघी।

<><><><><><>

SVEEP Poonch(byte)

स्वीप टीम नै पुंछ जिले दे इक स्कूल च जागरूकता कार्यक्रम दा आयोजन कीता। इस कार्यक्रम च वरिष्ठ नागरिकें बूथ लैवल जागरूकता समूह यानि बैग दे सदस्यें ते चुनां साक्षरता क्लब यानि ईएलसी दे सदस्यें हिस्सा लेआ। कार्यक्रम दे मगरा मतदाता जागरूकता रैली बी कड्डी गई। पुंछ दी स्वीप टीम दे मास्टर ट्रेनर होरें इस जागरूकता अभियान दी अगुवाई कीती ते हर तबके दे मतदाताएं गी मतदान दे महत्व ते चुनां प्रक्रिया बारे जानकारी

दिल्ली। इस कार्यक्रम का मकसद 25 सितम्बर 2024 गी होने आले विधानसभा चुनाएं च अपने मतदान दे अधिकार का इस्तेमाल करने दे महत्व बारे जागरूक करना हा।

<><><><><><>

DEO Samba SVEEP

सांबा दे जिला चुनां अधिकारी राजेश शर्मा ते सांबा दे एसएसपी विनय शर्मा होरें विजयपुर बजार च अज्ज इक मतदाता जागरूकता मुहिम गी रंभेआ। एहदा मकसद कारोबारी गड्डिडएं आले डरैवरें गी शिड़क सुरक्षा बारे जानकार करना ते औंदे चुनाएं च हिस्सेदारी गी जकीनी बनाना हा। एहदा सरिस्ता स्वीप जतन तैह्त स्वीप दी जिला नोडल अफसर इक्शू शर्मा होरें कीता। एहदे च एआरटीओ सांबा होरें बी सैहयोग कीता।

<><><><><><>

DEO Ramban(byte)

रामबन दे जिला चुनां अधिकारी बसीर उल हक चौधरी डिप्टी डीईओ, रिटर्निंग अफसर होरें वरिष्ठ नागरिकें ते दिव्यांग जनें लेई होम वोटिंग ते डाक बैलेट सेवाएं लेई टीमें गी झंडी दस्सियै

रवाना कीता। डीईओ होरें दस्सेआ जे सख्त सुरक्षा बंदोबस्त हेठ
एह् टीमां बनिहाल च 112 ते रामबन विधानसभा क्षेत्रें च 63 सनें
175 लाभार्थिएं चा हर इक दे घर जांगन तां जे उंदे चा कोई बी
मतदान दे अपने लोकतांत्रिक अधिकार दा इस्तेमाल करने थमां
रेई नेई जाए।

<><><><><><>